

**CYNGOR TREF LAMPETER**  
**COFNODION CYFARFOD CYNGOR LLAWN**  
**DYDD IAU 11EG O IONAWR 2018 @ 7.30pm**  
**YN FESTRI SHILOH LLANBEDR PONT STEFFAN**

**1. CROESO'R CADEIRYDD.**

Croesawodd Y Maer /Cadeirydd Y Cyngh. Hag Harris bawb i'r Cyfarfod. Pwysleisiwyd mai nid Cyfarfod Cyhoeddus oedd, i drafod y Cais Cynllunio A171092, ond yn hytrach Cyfarfod Cyngor Tref ar agor (fel arfer) i'r Cyhoedd. Soniodd y Cadeirydd am y 5 sedd wag sy'n bodoli ar y Cyngor Tref a gwnaeth apêl am ddatganiadau o ddiddordeb.

**YN BRESENNOL**

**Y Maer Y Cyngh.** Hag Harris; **Y Dirprwy-Faer** Ann B. Morgan; **Cynghorwyr Tref:** Elin T. Jones; Rhys B. Jones; Dinah Mulholland; Robert Phillips; Kistiah Ramaya; David Smith; Christopher Thomas.

**Cyflwyniad ynghylch y Cais Cynllunio A171092:** Mr John Crowther & Helen Thomas.

**Aelodau'r Cyhoedd ynghylch Cais Cynllunio A171092** (penderfynwyd mewn cyfarfod blaenorol i beidio â chofnodi enwau unigol y rhai sy'n bresennol ond yn hytrach, dim ond y rhai a wneir cyflwyniad)

**Archwilydd Mewnol Cyngor Tref Llanbedr Pont Steffan:** Mr Derek Marshall.

**2. YMDDIHEURIADAU**

Derbyniwyd ymddiheuriad am absenoldeb oddi wrth y Cyngh. Selwyn Walters.

**3. DATGAN BUDDIANT PERSONOL – Ni ddatgelwyd fuddiant personol.**

**4. CAIS CYNLLUNIO CYNGOR SIR CEREDIGION (CSC)**

**A171092: Cynnig: Dymchwel Adeiladau Ysgol a chodi 21 anheddau preswyl fforddiadwy â pharcio, tirlunio a gwaith atodol cysylltiedig.**

**Lleoliad: Ysgol Gynradd Ffynnonbedr, Heol Bryn, Llanbedr Pont Steffan, Ceredigion, SA48 7EF.**

Derbyniwyd y Cais Cynllunio uchod gan Gyngor Sir Ceredigion. Mae gwneud penderfyniad parthed Ceisiadau Cynllunio gan GSC yn broses lled-farnwrol a rheolau deddfwriaeth llymach mewn lle wrth gymharu â nifer o benderfyniadau a wneir gan y Pwyllgor Rheoli Datblygu CSC. Gwahoddwyd sylwadau gan yr Ymgynghoreion, er enghraifft, Adnoddau Naturiol Cymru a'r Cyngor Tref; nid oedd gan y Cyngor Tref yr awdurdod i ddatrys y mater dan sylw ond gallai gyfrannu i'r Ymgynghoriad.

**Dyddiad cau'r Ymgynghoriad: Dydd Mercher, 24 Ionawr 2018.**

Disgwylir i'r Pwyllgor Rheoli Datblygu CSC drafod y Cais uchod ar ddydd Mercher 14eg Chwefror 2018 ac ymddangosir ar wefan CSC gydag

argymhellion y Swyddogion Cynllunio.

Anogwyd aelodau'r cyhoedd i ysgrifennu'n unigol i GSC yn mynegi eu pryderon.

Roedd rhai aelodau o'r Cyngor Tref wedi ymateb yn ystod y Cyfnod Cyn-Cyflwyno Cais.

Derbyniwyd cyflwyniad gan Mr John Crowther a Helen Thomas (**Atodiad 1**)  
Gwrthwynebiadau Allweddol (**Atodiad 2**)

Ar derfyn y Cyflwyniad a'r ddeialog â'r rai presennol, roedd aelodau'r cyhoedd yn unfrydol yn eu gwrthwynebiad i'r Datblygiad hwn o dan yr amodau sy'n bodoli ar hyn o bryd.

Amlygwyd gwerth yr adeilad brics coch, o safbwynt treftadaeth y dref. Dywedwyd mai nid pobl Llambled yn unig a'u heffeithir, pe bai'r Cais yn mynd ymlaen, ond hefyd y rhai o'r cefnwlad.

Ar ôl gwranddo ar leisiau'r cyhoedd yn ystod y cyfarfod a thrafod yn ofalus, pleidleisiodd y Cyngor Tref yn unfrydol i *wrthwynebu'r* Cais a chyflwyno sylwadau i GSC. (**Atodiad 3**)

**5. Y PRAESEPT AR GYFER Y FLWYDDYN ARIANNOL NESAF  
PENU'R PRAESEPT ( Y DRETH A HAWLIR GAN Y CYNGOR TREF) AR  
GYFER Y FLWYDDYN ARIANNOL NESAF ( EBRILL 2018-MAWRTH 2019)  
Trafodwyd Adroddiad y Gyllideb (ynghlwm) yn fanwl.**

Ar ôl grym drafodaeth **PENDERFYNWYD** yn unfrydol (Cynigydd: y Cynghorydd Robert Phillips: Eilydd y Cynghorydd Kistiah Ramaya) y byddai'r Praesept ar gyfer y flwyddyn ariannol nesaf yn aros yr un fath â'r flwyddyn flaenorol h.y. **£41,000** oherwydd:

- Yr hinsawdd economaidd bresennol;
- Haelioni praeseptau gorffennol oherwydd gostyngiadau mewn Costau Camerau Teledi Cylch Cyfyng &
- Lefel uchel o gronfeydd wrth gefn gan y Cyngor Tref.

Mae'r £41,000 yn cynrychioli taliad blynyddol o £43.46 neu 84 ceiniog yr wythnos ar gyfer Treth-Dalwr y Cyngor Band D. Canran fechan cyfanswm y Dreth Gyngor a gasglwyd gan Gyngor Sir Ceredigion yw'r Praesept e.e. Yn y Flwyddyn 2017-18, byddai Treth-Dalwr y Cyngor Band D wedi talu £1,168.81 i'r Cyngor Sir; £213.63 i'r Heddlu Dyfed-Powys a £43.46 i'r Cyngor Tref: Cyfanswm £1,425.90 \*

Roedd aelodau o'r farn y gellid cwrdd â chostau cyfredol o fewn y gyllideb hon. Gellid ymwneud â thaliadau pellach o'r cronfeydd wrth gefn. Mae'r ffaith bod y Praesept wedi aros yr un fath neu wedi gostwng yn ystod y 13 mlynedd diwethaf yn deyrnged i'r ffordd ofalus y mae'r Cyngor Tref wedi ymdrin ag

arian y cyhoedd.

Ystyriwyd y cronfeydd wrth gefn (ffigwr amcanol ar yr 31/03/2018, tua £116,500). Adroddwyd y gallai Cyngor y Dref wynebu her ariannol yn y dyfodol, gan fod y DU yn wynebu toriadau gwariant cyhoeddus difrifol. Gallai'r cronfeydd wrth gefn gynorthwyo â phrosiectau, a fyddai'n golygu gwariant ychwanegol, i'r swm a godwyd o fewn y Praesept er enghraifft Ardal Chwarae Maesyfelin; Offer Chwarae ym Mharc-yr-Orsedd; Gardd Goffa'r Rhyfel; Arddangosfa Flodau'r Dref dros yr Haf; Sgwâr Harford. Dywedwyd y dylai'r Cyngor Tref lunio cyllideb ar gyfer ei weithgareddau rheolaidd o fewn y flwyddyn a'u bod yn fforddiadwy.

Penderfynwyd ail-fuddsoddi £70,000 o fewn Bond Banc Lloyds (cyfnod buddsoddi 12 mis yn dod i ben ar 24 Ionawr 2018) (buddsoddwyd £78,000 am y 12 mis diwethaf, 0.9% llog)

### **Materion eraill a ystyriwyd:**

#### **Lwfans y Maer**

Cytunwyd yng Nghyfarfod Cyllideb Ionawr 2010 i gynyddu Lwfans y Maer 1.5% yn flynyddol. Awgrymwyd y dylid ei gynyddu yn unol â chwyddiant.

#### **Lwfans Aelodau**

Disgwylir y bydd Cynghorwyr Tref / Cymuned yn derbyn Lwfans Blynyddol yn y dyfodol.

#### **Cyflog y Clerc**

Cytunwyd yng Nghyfarfod Cyllideb Ionawr 2010 y byddai'r Clerc yn derbyn Ychwanegiad blynyddol-un gris yn ôl canllawiau NALC, (ond ychwanegiad o ystyried chwyddiant heb fod ar gynnig). Holodd y Cadeirydd am ba hyd, a fyddai'r Ychwanegiad Blynyddol yn debygol o barhau. Ystyriwyd hefyd obligiadau'r Rheoleiddiwr Pensiwn.

#### **Y Gronfa Suddo**

Gellid gosod mewn lle Gronfa Suddo i gwrdd â chostau atgyweiriadau / adnewyddu asedau sefydlog.

Gofynnodd Mr Derek Marshall tybed a fyddai ei swydd fel Archwilydd Mewnol yn un barhaus gydol y flwyddyn neu wedi'i gyfyngu i'r Archwiliad Blynyddol, petai'r Cyngor Tref am ei wasanaeth. Hysbysir cyn bo hir.

Pwysleisiodd Mr Marshall bwysigrwydd cadw derbynebaw am daliadau.

### **6. Adnewyddu Polisi Yswiriant Zurich Cyngor Tref**

**PENDERFYNWYD** adnewyddu y flwyddyn derfynol y Cytundeb Hir-Dymor 3 blynedd sef £1,577.03.

**7. UNRHYW FATER ARALL**

**7.1 Regalia Dinesig:**

Roedd y Cyng David Smith wedi derbyn prisiadau ynglŷn â'r Regalia Dinesig a byddai'n anfon y manylion at sylw'r Clerc. Hysbysir Yswiriant Zurich o'r newidiadau

**Daeth y Cyfarfod i ben am 10.00pm.**

- 8. Dyddiad y Cyfarfod Nesaf:** Nos Iau 25ain Ionawr 2018 am 7.30pm, Ffestri Shiloh, Llanbedr PS.

-----  
Dyddiad) (Arwyddwyd- Cadeirydd

*\*Ffigyrau wedi'u dyfynnu Cyngor Sir Ceredigion 2017-18. Gwybodaeth ar gyfer Trethdalwr y Cyngor.*